



COMMUNICAZIUN A LAS MEDIAS

Ils dus magnets dal public "EMSORAMA" ed "EMS-CHEMIE – in'istorgia incredibla" èn puspè averts. "L'EMSORAMA Mobil" maina l'EMSORAMA er en ils vitgs. El va danovamain sin viadi probablamain suenter las vacanzas da stad.

L'interess da visitar l'EMSORAMA e l'exposiziun EMS-CHEMIE – in'istorgia incredibla è vinavant grond. Persunas interessadas pon a partir d'immediat puspè visitar gratuitamain ils dus magnets dal public che han stuì serrar temporarmain en consequenza da corona.

Prolungaziun da l'exposiziun e da l'EMSORAMA

L'**exposiziun** impressiunanta EMS-CHEMIE – in'istorgia incredibla ha pudì registrar già passa 26'000 visitadras e visitaders dapi l'avertura a chaschun dal giubileum da 75 onns da l'EMS. Cun var 140 fotografias, passa 300 documents istorics, requisits e parts d'indrizs e pli che 600 exempels da products e da diever maina l'exposiziun sin ina surfatscha da 1'400 m² tras l'istorgia interessanta da l'EMS-CHEMIE e permetta al public d'esser al puls da l'istorgia industriala da la Svizra.

L'**EMSORAMA**, inaugurà il 2016 en il rom dal giubileum dad 80 onns EMS, ha già intgantà passa 16'000 visitadras e visitaders. L'emprim Science Center grischun envida da scuvrir a moda ludica fenomens natirals e tecnicos, tut tenor il motto "Tutgar, experimentar, sa smirvegliar!" Sin ina surfatscha da var 400 m² stattan a disposiziun a las visitadras ed als visitaders da tut las vegliadetgnas 18 staziuns cun passa 50 experiments per pensergnar ed empruvar. Pertge stat ina balla airi en l'aria, pertge glischa la lampa senza cabel, pertge na mussan noss eglis betg adina la realitad? Cun ils experiments novs ch'èn vegnids tiers dapi il schaner 2020 pon ins explorar ulteriurs fenomens da la natira: Co han ils Romans construì lur punts? Pertge tuna ina gitarra? E co stattan in looping e la gravitaziun en connex in cun l'auter?

Sin reservaziun stattan tuts dus munds d'experientschas a disposiziun gratuitamain a firmas, uniuns, classas da scola ed ulteriuras gruppas interessadas da tut las vegliadetgnas. Tras l'exposiziun mainan anteriurs commembers dal cader da l'EMS e guides versads accumpognan il public en l'EMSORAMA.

L'EMSORAMA Mobil visita puspè las vischnancas grischunas

L'EMSORAMA Mobil datti dapi la fin dal 2019. El visita las vischnancas mintgamai durant dus dis cun ses 18 experiments per pitschen e grond ed en spezial era per classas da scola e pussibilitescha uschia da scuvrir a moda autonoma ed al lieu process e leschas da la fisica, chemia, biologia e matematica. Ils experiments intermediesschan a moda ludica effects d'aha e fenomens essenzials en connex cun la scienza natirala e la tecnica. Las installaziuns che han fin ussa gè lieu a Bravuogn, Müstair, Zernez e Mesocco han sveglià in grond interess.

* * * * *

Fotografias d'auta resoluziun pon ins telechargiar via la suandanta colliaziun:

<http://ems-group.com/ftp/Kommunikation/Wiedereroeffnung.zip>

Exposiziun EMS

Infurmaziuns ed annunzias sut www.emschemie.ch/ausstellung
u tel. **+41 (0)81 632 78 78** (dunna Pascale Beer)

La visita guidada dura ca. 90 minutas.

EMSORAMA ed EMSORAMA Mobil

L'EMSORAMA e l'EMSORAMA Mobil (mo per vischnancas) stattan a disposiziun **gratuitamain** a classas da scola, gruppas, uniuns, firmas, clubs, famiglias e tut las persunas cun mirveglias per las ciencias natiralas e la tecnica. Cun garanzia da divertiment!

Infurmaziuns ed annunzias sut www.emsorama.ch,
www.emsorama.ch/emSORAMA-mobil u tel. **+41 (0)81 632 78 78**
(dunna Pascale Beer)

Ina visita dura ca. 60 - 120 minutas.

Per classas da scola pon ins plinavant retrair material spezial e fegls da lavur.

In'assistenza al lieu è garantida.

Sin reservaziun èn l'exposiziun EMS e l'EMSORAMA averts per gruppas a partir da 10 persunas. L'EMSORAMA Mobil pon vischnancas reservar tenor cunvegna – gratuitamain.

Nus ans legrain sin Vossa annunzia:

EMS-CHEMIE AG

Via Innovativa 1

7013 Domat/Ems



L'experiment "test da reacziun" da l'EMSORAMA fascinescha.



Exposiziun EMS: passa 600 exempels da products e da diever mussan a moda impressiunanta nua ch'il material sintetic da gronda prestaziun da l'EMS vegn tut duvrà.



In'egliada en l'exposiziun EMS: ils onns 1940/50 – construcziun e manaschi da la zutgerificaziun da laina ("aua da Domat").